



宋槧太平御覽



403  
136





13  
403  
135



太平御覽卷第八百七十五

然徵部二

五星

客星

孛

天狗

枉矢

蚩尤旗

獄漢

五殘

國皇

格澤

旬始

營頭

漢

蓬星

五星

京氏易五星占曰歲星失度何人君不仁春殺無辜則歲星失度其救也慈仁敬讓廣恩惠施無犯四時則歲星度熒惑失度何人君內無法禮輕薄房室外行慢易歛奪民財則熒惑失度其救也爵賢位德養幼廩孤命樂師趣鞀鼓令歡欣熒惑還度天心得矣太白失度何人君薄恩無義懦弱不勝任則太白失度其救也舉有義任威用武則太白復兵氣消矣鎮星失度何人君內無仁義外多華



田八幡中

此係明治八年八月廿八日  
月山諸田一人  
悼君山田一人  
所購以贈  
郎君以贈



飾則鎮星失度其救也治社稷修明堂近方直之人此災  
自消也辰星失度何人君內無仁義外多華飭則辰星失  
度其救也明刑慎罰審法必中

尚書考靈耀曰白經天水決江白太白也金為水宗故多水也

春秋元命苞曰昴畢間為天街日月五星以出入熒惑守

之道不通天下危。又曰卷舌主口語熒惑臨之下多亂

謀國若以口舌之害起寇。又曰熒惑守軒轅貴妾爭

又曰熒惑守營室群妃鬪

漢書天文志曰五星所行合散犯守歷陵闕蝕孛彗飛流

皆陰之精本於地面發于天也孟康曰合同合也散謂五

也犯七寸之內光芒相及陵相冒過也蝕星月出陵不見

者則明食也韋昭曰自下往觸之曰犯居其房曰孛經之

為歷相擊為闕張晏曰孛所以除舊布新也孛氣似彗飛

流謂飛星流星也孟康曰飛絕迹而去也流光跡相連也

又曰孝昭元始中太白入太微西藩第一星北出東藩第



一星東北下去太微者天庭也太白行其中官門當閉大

將被甲兵邪臣伏誅後有流星下燕萬載宮極東去李奇曰極

屋梁也三輔名為極也法曰國恐有誅其後左將軍上官桀驃騎將

軍安與長公主燕刺王謀作亂咸伏誅

又曰建始四年七月熒惑踰歲星居其東北半寸所如連

李時歲星在關星西四尺所熒惑初從畢口大星東北往

數日至往疾去遲占曰熒惑與歲星闕有病君飢歲而後

旱傷麥民食榆皮二年十月壬申太皇太后避時昆明東

觀

又曰綏和二年春熒惑守心丞相翟方進欲塞災異自殺

容星

左傳曰昭十年春王正月有星出于婺女容星也鄭裨竈言

於子產曰七月戊子晉君將死今茲歲在顛頊之虛歲歲星也



顯頭之虛 姜氏任氏實守其地 姜齊姓任薛姓齊薛居其

維首而有妖星焉告邑姜也 客星也楊之維首姜邑齊大

為既嫁之女織女為魁女邑姜齊之既嫁 邑姜晉之妣也

天以七紀 二十八宿面七 戊子逢公以登星斯於是乎出 逢公躬

齊地者逢公將死妖星出娶女時非歲 吾是以譏之至時

星所有故齊自當禍而以戊子日卒

晉平公卒 食命火二平十日王申太皇太叔

漢書曰元帝初元元年四月客星大如瓜色青白在南斗

第二星東可四尺占曰為水飢其月渤海水大溢六月關

東大飢民多飢死瑯琊人相食二年五月客星見昂分居

卷舌東可五尺青白色炎長三寸占曰天下有妄言者其

十二月鉅鹿都尉謝君男詐為神人論死

續漢書天文志曰孝安永初四年六月甲子客星大如李

蒼白芒氣長二尺西南指上階星上階為三公後大尉張

禹司室張敏皆免官

又曰中平五年六月丁卯客星如三升椀出貫索西南行

入天市至尾而消占曰客星入天市為貴人喪

謝承後漢書曰吳郡周敞師事京房為趙顯所譖謂敞曰

吾死後三十日客星必出天市即吾無辜也死後果如言

字

左傳曰文十四年有星孛入于北斗周內史叔服曰不出

七年宋齊晉之君皆將外亂

又曰昭十七年冬有星孛于大辰西及漢中須曰彗所以

除舊布新也天事恒象今除於火火出必布焉諸侯其有

火災乎梓慎曰往年吾見之是其徵也火出而見今茲火

出而章必火入而伏其居火也久矣其與不然乎火出於

夏為三月於商為四月於周為五月夏數得天若火作其



四國當之六物之占在宋衛陳鄭乎宋大辰之虛也陳大  
皞之虛也鄭祝融之虛也皆火房也星孛及漢漢水祥也  
衛顛頊之虛也故為帝王其星為大水水火之牡也其以  
丙子若壬午作乎水火所以合也若火入而伏必以壬午  
不過其見之月鄭裨竈言於子產曰宋衛陳鄭將同日火  
若我用瓊犖玉瓚鄭必不火子產弗與後四國皆火  
春秋孔演圖曰海精死彗星出宋均注曰海精鯨魚彗星出則國樞  
概

春秋考異郵曰鯨魚死彗星合宋均注曰鯨魚陰物生於

殺之祥也故天應之以妖彗也

春秋合誠圖曰赤彗火精如火曜長七尺

孝經鈎命決曰周襄王不能事其母弟彗入斗亡其度

孝經內記曰彗星北斗禍大起在三台臣害君在太微君

害臣在天獄諸侯作禍彗行所指其國大惡四彗在月中

者君有德天下欣心大豐盛

爾雅曰彗星為撓楚緘搶楚庚

河圖帝通紀曰彗星者天之旗

河圖稽燿鈎曰五星散為五色之彗

戰國策曰唐睢謂秦王曰專諸刺王僚彗星襲月

史記曰秦始皇十五年彗星四見大者八寸長或竟天

其後秦遂滅六王并中國外攘四夷死人如麻

漢書曰建元六年彗星見淮南王心怪之以為上無太子

天下有變諸侯並爭愈益治攻戰具遂謀反

又曰哀帝建平二年二月彗星出牽牛日月五星所從起

曆數之元三正之始彗而出之改更之象也其後卒有王

莽篡國之禍



後漢書曰獻帝建安二十三年正月孛星晨見東方二十餘日夕出西方紀歷五車東井五諸侯文昌軒轅入太微指帝座占曰除舊布新之象

續漢書天文志曰王莽地皇三年十一月有孛星于張東南行五日不見孛星者惡氣所生爲亂兵又慘然雲焉兵之類也故名之曰孛孛之爲名猶有所傷害有所妨蔽或謂之彗星所以除穢而布新也張爲周地星孛于張東南行即翼軫之分翼爲楚楚地將有兵亂後一年正月光武起兵春陵都雒居周地除穢布新之象也

又曰孝明永平三年六月丁卯彗星出天軫北長二尺所稍北行百三十五日去天軫爲水彗星出之爲大水是歲伊維水溢到津城門壞伊橋郡七縣三十二皆大水又曰永和六年二月丁巳彗星見東方長六七尺色青白

西南指營室及墳墓營室者天子常官墳墓主死彗星起而向營室至墳墓不出五六年天下有大喪一日其色白又曰光祿元年八月彗星出亢池入天市中長數尺稍長五六丈赤色經歷十餘宿八十餘日乃消於天苑中彗除天市將徙帝將易都至初平元年獻帝遷都長安其時又曰孝獻初平九年十月有星孛于東井與鬼魁入軒轅太微十一年正月有孛于斗首在斗中尾貫紫宮及北辰占曰彗掃太微紫宮人主易位其後魏文帝受禪十二月辛卯有星孛于鶉尾荆州分也時荆州牧劉表專據荆州從事周群以爲荆州牧將死而失土明年秋表卒以小子琮以代曹公將攻荆州琮懼舉軍詣公降公大驚晏子春秋曰景公謂晏子曰彗星向吾國我是以悲晏子曰君穿池欲深廣爲臺欲高大誅戮如仇讎孛又將至彗



星容可拒乎公懼緩刑罰三十七日彗去  
尉繚子曰昔楚將軍子心與齊人戰未合夜彗星出柄在  
齊所在勝不可擊子心曰彗星何知明日與齊人戰大破  
之淮南子曰鯨魚死而彗星出  
占曰狗者守禦之類天狗所降以戒守禦也出入無時下  
則有伏屍流血其流星墮地有聲野雉皆鳴或辟狗皆吠  
或流散化為雲一日流星有聲如雷下地中一日無雲而  
雷一日星赤白有光下地為狗狗無足一日如火光炎衝  
天其上食下地如數頃田一日大流星其有光見人而墜  
無音有足一日星狀如奔星有聲墜之如火一日其色白  
其熒熒如遺火狀皆曰天狗天狗所下之處萬人伏屍狗

食血所下之邑大兵起國易政人相食千里流血四方相  
射破軍殺將兵喪並起國破滅亡  
河圖稽燿鈞曰太白散為天狗主候兵  
洪範五行傳曰七國之兵戰於梁地故天狗先降梁壘見  
以其象也狗者守禦之類也所降以惑守禦也  
史記曰秦孝公十二年星晝墜有聲至十七年秦韓大戰  
擒晉惠王  
又天官書曰天狗狀大如奔星有聲其止地類狗地望之  
如火光炎衝天其下圓如數頃田處上瓮見則有黃色  
千里破軍殺將  
漢書天文志曰孝昭元年二月乙酉祥雲如狗赤色星三  
枚夾漢西行占曰太白散為天狗為卒起卒起見禍無時  
四月昌邑王賀行淫僻大將軍霍光白皇太后廢賀



又曰成帝綏和元年四月日暘時天有星如雷聲有流星如缶長十餘丈皎然赤白從日下東南去或如孟或如雞子熠熠如雨下至地止郡國皆言星隕為王者失勢諸侯起伯之異其後王莽專政篡位

又曰哀帝建平元年正月日出時有物着天白廣如一疋布長四丈餘西南行聲如雷一刻止名曰天狗  
又曰後漢光武建武十一年春有流星大如日從太微出入北斗魁中第六星色白傍有小星射者十餘枚後有聲如雷頃止斗魁主殺伐是年吳漢賊宮破公孫述於成都十二年春有大星如缶出柳西南行入孤將滅時分為十餘段如遺火狀須臾有聲殷殷如雷柳為周狐為秦蜀是年使大司馬吳漢從洛陽發南陽卒沂江而上擊蜀白帝公孫述殺萬人

又曰中元元年冬有大流星從西南向東北行有聲如雷其年中郎將竇固擊西征  
又曰順帝永和三年有流星大如斗從西北東行長凡九尺赤黃有聲隆隆如雷是時大將軍梁商與常侍張遂曹騰孟賈等爭權矯制敕騰順帝寤遠等奔走或自刺或解貂蟬投草中逃亡之應  
漢獻帝春秋曰初平四年六月流星起織女東南行天市中地行有尾長七八丈色赤照地又流星如斛長八九丈小者六七枚隨之光照地又流星西北行有聲如雷望之如炎文照地是日天狗  
晉書曰惠帝永興元年七月流星有聲二年又有星隕有聲後二年懷帝愍帝蒙塵劉元海石勒攻掠遂亡中夏  
又曰懷帝永嘉元年有大流星如日自南流于東北小者



如斗相隨天盡亦有聲如雷是年汲桑煞東燕王騰明年  
劉元海僭號帝然帝氣亂降武稱不傳其後數年  
又曰穆帝永和十年流星大如斗色赤黃出織女沒造父  
有聲如雷其年慕容儼據臨漳諸將奔散  
又曰海西公大和四年十月有大流星西下有聲如雷明  
年廣漢妖賊李弘反自稱聖王又慕容暉尅鄴盡有其地  
明年相溫廢帝西平四年六月流星出東南其天部  
又曰孝武太元十三年天狗東北下有聲占曰此交戰流  
血是後慕容垂翟遼姚萇苻登慕容永並阻兵爭強  
宋書曰後廢帝元徽五年四月星隕于東南有聲如雷  
崔鴻十六國春秋曰後趙石勒建平四年有流星大如尾  
足形自北極西南流五十餘丈光明燭地墜于河聲聞九  
百餘里其年石勒死而季龍殺勒諸子而篡位

隋書曰北齊孝昭皇建二年十月天狗下於鄱山於其下  
講武厭之帝將至有兔驚馬帝肥墜馬而死

又曰武成清河三年春天狗南流下宋地彭城其年妖人  
反於鄴入北城劫太師彭城王浹為主浹不從見害

又曰周宣王大象元年五月有流星大如二斗器云從太  
微端門流入有聲如翻旗其月靜帝立隋公楊堅專政俄  
而禪位

又曰靜帝大定元年七月有大流星如斗出五車東北流  
光明燭地是月趙王招越王盛以謀執政被誅

又曰隋煬帝大業十二年八月夜有大流星如斗出王良  
閣道聲如頽墻其日又有大流星如瓮出羽林有聲明年  
帝幸江都天下大亂

山海經曰金門之山有赤犬名曰天犬其所下者有兵



注曰周書天狗所止地須更光飛天為流星長數十丈其疾如風聲如電光吳楚七國反時犬過梁野兵書曰兩敵相望其雲氣如牛馬狀頭低尾仰曰天狗勿與戰

枉矢

河圖稽燿鈎日辰星散為枉矢流所射可誅

河圖曰枉矢東流天下恐

尚書運期授曰白帝之治六十四世其亡也枉矢射參

尚書中候曰夏桀無道枉矢射

洪範五行傳曰枉矢者弓矢之象也枉矢之所觸天下之

所伐滅亡之象也

春秋運斗樞曰黃帝行失樞則枉矢出射所謀謀易失樞之王故以

枉矢射之

春秋潛潭巴曰枉矢出臣不忠

又曰枉矢或南或北無聚眾伐戰國  
論語摘輔象曰虛王反度枉矢合

史記天官書曰枉矢類大流星虵行而蒼黑望之如有毛

目曰項羽救鉅鹿枉矢西流山東遂合從西坑秦人屠咸

陽書曰齊東晉對天書曰秦滅天書曰西漢滅秦十餘丈

說苑曰秦二世立枉矢夜光俄而天下大亂二世被殺

晉書曰武帝元康四年枉矢北行竟天次年夜枉矢自北

斗魁東南行占曰以亂伐亂北斗主殺伐是後趙王倫殺

司空張華廢賈后終自屠滅

又曰太熙元年有枉矢西南流懷帝永嘉四年劉聰嘉平

三年星起牽牛委曲虵形入紫宮其光照地其年帝為劉

聰所害後三年聰死國亡



又曰愍帝建興三年枉矢自文昌北流至斗東如一疋布絳蛇行有手足因變為雲氣如人象三臂一足至五年此平人吳祚聚眾千人立沙門為天子四年帝降劉曜又曰元帝大興三年枉矢出虛危沒翼軫大寧三年王乾殺譙王承及甘卓又曰穆帝昇平二年枉矢自東南流于西北其長半疋時所在擁兵政非己出隋書曰齊東昏侯永光三年春枉矢晝見西方長十餘丈其年梁武舉兵東昏遇害又曰隋煬帝大業十二年枉矢二出北斗魁委曲蛇形注於南斗後二年宇文化及於江都僭號許王世充於東都殺恭帝僭號鄭王又曰

河圖稽燿鈞曰熒惑散為蚩尤旗主惑亂河圖提劉子曰帝將怒蚩尤出乎四野史記曰天官書曰蚩尤之旗類彗而後曲象旗見則王者征伐四方魏志曰嘉平四年六月持節奉法駕迎高貴鄉公元城是歲自氣經天大將軍司馬景王問王肅其故肅曰此蚩尤之旗也東南其有亂乎君若修己以安百姓則天下樂安者歸德倡亂者先亡矣明年鎮東將軍母丘儉揚州刺史文欽果反○皇覽冢墓記曰蚩尤冢在東郡壽張縣關鄉城中高七丈民常十月祠之有赤氣出如降名為蚩尤旗

河圖稽燿鈞曰填星散為獄漢春秋合誠圖曰獄漢主

太平御覽 卷八百七十五 刑部 獄



史記天官書曰獄漢星孟康曰青中赤表下有三星縱出橫亦鎮星之精一名咸漢也正北北方之野星去地可六丈而赤數動察之中有青所出非其方其下有兵衡不利

河圖稽耀鈞曰鎮星散為五殘主奔亡

春秋合誠圖曰五殘主出亡

春秋考異郵曰五殘類辰星角見則政在伯

史記天官書曰五殘星用正東方東方之野星狀類辰星

去地可五六七丈所出非其方其下有兵衡不利

山海經曰西王母是司天之五殘

河圖稽耀鈞曰歲星之精流為國皇主內難

春秋考異郵曰國皇大而赤類南極見則兵起天下急

均

注曰南極老人星也

續漢書天文志曰靈帝光和中國皇見東南角去地一二丈如炬火十餘日占曰國皇為內亂外兵喪其後黃巾張角何進袁紹董卓亂燔燒宮室遷西京

格澤

廣雅曰格澤妖氣

史記天官書曰格澤星者如炎火之狀黃白起地而上下太上兌其見不種而穫不有土功必有大咎

旬始

河圖稽耀鈞曰填星散為旬始主招橫

春秋合誠圖曰旬始主爭兵

春秋考異郵曰旬始照其下必有滅主

廣雅曰旬始妖氣也



史記天官書曰旬始出於北斗旁狀如雄雞其色青黑象伏螿

楚辭遠遊集曰重陽入帝宮造旬始而飄清都

司馬相如大人賦曰垂旬始以為慘孟康曰旬始氣如雄雞在北斗傍懸於葆

下以為十二旒慘首所銜切

營頭

占曰流星晝行亡君之戒一日流星晝名營頭營頭而下流血滂滂一曰有雲如懷山墮所謂營頭之星其所墮覆軍流血

續漢書天文志曰王莽地皇四年遣王尋王邑將兵至昆陽圍城數重晝有雲氣如懷山墮軍上軍人皆厭所謂營頭之星也占曰營頭之所墮其下覆軍流血三千里是時光武將兵數千人赴救昆陽擊二公會天大風飛屋瓦雨

如注水二公亂敗死者數萬人

晉書曰惠帝大和二年星晝流矢北下光變日有聲如雷占曰為營首營首所在其下有大亂流血

又曰穆帝永和八年日未入有流星大如三斗魁從辰巳上東南行在箕斗間占曰營首之下流血滂沲是年慕容儁稱大燕攻伐無已

漢

詩推度災曰逆天地絕人倫則天漢滅見

史記天官書曰漢者金氣之散其本漢水中星多則水少即旱○書紀年曰晉定六年漢不見于天

蓬星

漢書天文志曰孝景中三年六月壬戌蓬星見西南在房南大如二升器色白癸亥在心東北甲子在尾北丁卯在



箕北近漢稍小且去時大如桃壬申去凡十日占曰蓬星出必有亂臣房心開天子宮也是時梁王欲為漢嗣使人殺漢諍臣表蓋

晉中興書曰太元二十年九月有蓬星如粉絮東行慙女虛色及哭星

晉書曰太元二十年九月有蓬星如粉絮東行慙女虛色及哭星

太平御覽卷第八百七十五

又曰野淡水味八辛

古曰野淡水味八辛

太平御覽卷第八百七十六

咎徵部三

艾日風 暴風 大黑風 赤風 雷 霹靂 無雲而雷

尚書洪範咎徵曰蒙恒風若

禮記月令曰孟春行夏令飄風暴雨摠至季秋行春令則

京房易傳曰后專拜厥風疾而樹不搖不循道厥風不搖

普而不偏佞人衆君迷惑則迴風起不救則致逆風起其

救也用公百黜邪在此災消矣



春秋潛潭巴曰疾風拔木讒臣恣忠臣辱

史記曰殷紂末年大風飄牛馬壞屋拔樹飛颺數十里周滅之

又曰秦始皇二十八年渡淮至衡山浮江至湘遇大風博士云堯女舜妻葬於此始皇怒使刑人三千人伐湘山樹明年東遊至博浪沙中為盜所驚乃令天下大索焉

又曰項羽背約都彭城漢祖伐之圍漢三重大風從西北起折木發屋楚軍大亂

漢書曰吕后崩後吕產執北軍朱虛侯劉章入宮衛帝見產廷中遂擊產走大風起從宮莫敢鬪章遂產殺之

又曰昭帝時燕王旦都薊大風拔宮樹十六吹壞城樓王反伏誅

又曰濟北王興居反始舉兵大風從東吹其旌旗飛上墮

城西井中馬皆悲鳴不進李廓切諫王不聽俄而兵敗自殺

又曰平帝元始四年冬大風吹長安城門屋瓦盡飛

又曰王莽天鳳年大風拔樹飛北闕城門屋瓦緣邊大飢人相食

又曰地皇四年大風毀王路其年司徒王尋司空王邑守昆陽光武起兵南陽至昆陽攻之大風雷屋瓦皆飛雨下如注澧川盛溢尋邑乘死人而渡王尋見殺軍人皆散走

王邑還長安莽敗俱殺之

後漢書曰安帝時京師大風拔南郊梓樹九十六後海賊張伯路略九郡

魏略曰正始元年商風大起數十日發屋拔樹動太極殿東閣正大會風又甚傾盃按曹爽將誅之徵母丘儉反景



王率眾征之風又甚於前時齊與魏相持以五月又景  
 晉書曰吳孫權太元初大風江海湧溢平地水深八尺拔  
 高陵樹二千株動吳城兩門瓦飛落是時賦役繁重明年  
 權死孫休永安元年十二月孫綝出屯武昌衛士施湖告  
 又曰孫休永安元年十二月孫綝出屯武昌衛士施湖告  
 綝欲反綝聞之大懼是夜大風四轉五復發屋折木揚沙  
 石綝益恐明日勝會稱疾休強起之不許已乃至會張布  
 丁奉自左右縛之綝叩頭請為奴不許乃斬之空王  
 又曰孫皓末年狂暴丞相陸抗與大司馬丁奉謀欲廢皓  
 太史令陳苗奏久陰不雨風氣迴逆將有陰謀皓深驚懼  
 抗遂寢其事抗遂寢其事  
 又曰晉武帝咸寧三年八月大風拔木暴寒且冰其年吳  
 將孫真入江夏太康末京都風發屋拔木

又曰惠帝永康中六月飄風吹賈謐朝衣飛數百丈明年  
 謐誅其年十一月京都大風發屋折木十二月愍懷太子  
 幽于金墉幽于金墉  
 又曰永康元年四月張華舍颶風起折木飛繒軸六七枚  
 是月趙王倫矯制廢賈后害張華裴頠等是月趙王倫矯制廢賈后害張華裴頠等  
 又曰趙王倫篡位改元建始祠太廟風暴起黃塵四合其  
 年倫誅年倫誅  
 又曰元帝永昌中大風拔木壞屋拔御道柳百餘株時王  
 敦害尚書刁協僕射周顛等敦害尚書刁協僕射周顛等  
 又曰成帝時劉楨鎮尋陽有迴風從東來入楨舡中西出  
 狀如疋練長五六丈術人戴洋曰有刃兵死喪之亂頃楨  
 為郭默所害為郭默所害  
 王隱晉書曰王澄在荊州率眾軍次江陵之東堂皇北救



國難飄風折其節後為王敦所殺  
 晉中興書曰桓玄入建康宮逆風迅激旗旌飄亡儀飾一  
 皆傾偃是月酷寒此日尤甚急恒寒若之應也出遊門外  
 飄風飛其儀蓋  
 又曰苻堅三年長安大風堅宮中樹悉拔是歲王猛死  
 沈約宋書曰孝武帝大明七年風吹初寧陵隧口左標折  
 鍾山通天臺新成飛倒散落山澗  
 又曰徐羨之文帝初作揚州有飄風自西明門須臾入城  
 直至廳前繞帽及蓆遙遠雲際尋羨之為文帝所誅  
 又曰文帝元嘉九年壽陽驟雨有迴風雲霧廣三十步從  
 南來至城西迴散滅當其衝者室宇樹木皆摧到其年晉  
 寧太守爨松子反  
 又曰元嘉三十年正月朔上會羣臣於大極殿有大風拔

木雷電晦暝凍殺牛馬及大明年太子劭弒逆也  
 又曰孝武時柳太尉乘車行還於庭中洗車有大風從門  
 而入直來衝車有聲車蓋覆向天其年明帝立合門被殺  
 又曰竟陵王誕文帝子孝武時鎮京日夜大風吹落屋瓦  
 城門鹿床倒覆及鎮廣陵將入城衝風暴起俄而反伏誅  
 又曰順帝昇明二年飄風起建康縣吹帛一疋入雲風中  
 下於御道五俄而宋授禪其君為疋夫之象  
 齊書曰明帝建武末大風拔東宮門外楊樹齊木行東木  
 位其衰乎至東昏侯立狂亂被害  
 又曰東昏侯寶卷永元元年始安王遙光知政入城有飄  
 風飄儀繖出城外少日而反被殺  
 又曰崔惠景圍臺城有一五色幡風吹飛翔在雲中景且  
 乃下眾見皆驚惟相謂曰幡者事當翻覆數日惠景敗耳



隋書曰梁武帝太清二年九月邵陵王綸出頓丘下其日  
 天色陰慘風塵蕭瑟咸以出軍不祥十一月綸至江遇風  
 幾溺人馬多損綸出頓丘下其日  
 又曰大寶元年邵陵王綸出鎮南浦僭擬施幄帳無何  
 風起吹投於江後為侯景將任約所襲綸敗走保汝南為  
 魏將侯萬通所攻城陷被殺東宮門外  
 又曰元帝承聖三年帝觀講武于津陽門風雨摠集普天  
 昏暗旗幟飄亂帝趨駕而迴無復次序還宮至城風雨隨  
 息竊驚俄為魏軍所執送岳陽殺之風暴吹而  
 又曰元帝徐妃初嫁夕車至州西疾風大起發屋折木無  
 何雪霰交下帷簾皆白及還之日又大雷震西州廳兩柱  
 碎以為不祥妃責以淫穢自殺中武庫有大風  
 又曰梁岳陽正答昭明太子之子西魏立為梁王其年至

江陵結營夜疾風甚雨水平地數尺其月管乃夜遁為諸  
 蠻斷於山路墜馬僅得脫

又曰侯景篡梁拜南郊登壇大風拔木物盡吹散見者莫  
 不驚駭俄而景被殺

崔鴻十六國春秋曰北燕馮跋太平二十一年二月飄風  
 入征南大將軍上黨公姚昭宅至于司徒中山公宅而散  
 上黨公家人問太史閔尚曰風者天之號令所以吹塵去  
 穢除姦慝之禍至二十二年跋弟弘篡立以姚昭為大司  
 馬昭貪暴其子肇諫曰大人不聞飄風之怪昭不納明年  
 馮弘殺昭并諸子姪四十餘人

又曰前秦苻生壽光元年長安大風發屋拔樹行人顛頓  
 宮中奔擾或稱賊至門晝閉五日乃止生推告賊者殺之  
 剝出其心左光祿大夫強平諫曰元正盛曉日有蝕之正



陽神朔風昏大起願陛下務養元元生大怒鑿其頂而殺之  
 又曰苻堅建元十八年三月大風吹壞長安西門拔宮中大樹倒根於上至二十一年堅為姚萇所殺  
 又曰李期玉恒四年正月大風拔樹發屋四月為李壽所殺  
 又曰蜀李壽漢興三年二月大風暴雨震端門至六年壽死子勢立三年為晉將桓溫所滅  
 又曰前趙劉曜葬其父母費用億計發掘古墓暴骸原野哭聲盈衢大霖雨震曜父墓門屋大風飄發其父寢堂于外垣五十餘步松柏眾木植已成林至是悉枯死曜竟為石勒所擒  
 又曰劉曜末年與石季龍對軍不撫士眾專與嬖臣博飲

左右諫之以為妖言斬之大風拔木昏霧四塞須臾見擒  
 又曰前涼張玄靜四年六月大風震雷晦冥宮中雨水深四尺時宋混兄弟擅權玄靜虛坐而已  
 後漢書曰孝文太和中年安定王禎出為湘州刺史至日暴風大雨凍死者數十是月禎發背死後宣武延昌三年章武王熙除湘州刺史七月入理其日大風雨凍死者二十餘人驢馬凍死數十熙聞祖父禎前事心甚惡之俄而舉兵反伏誅  
 齊書曰後主天統年大風晝晦發屋拔木和士開譖趙王叡削坐死士開出入宮掖胡太后幸之琅邪王儼矯詔殺士開於南臺儼伏誅  
 又曰後主末年安德王延宗鄴下宅被風吹其廳棟椽相連置外數百步後主敗為王二日被擒入周賜死



陳書曰陳文帝天嘉三年梁永嘉王將司空王琳與陳將  
 侯禎對軍其日東西風吹琳舟艦蹶軍大敗其飄琳琳  
 又曰天嘉六年大風西南吹靈臺候樓倒  
 又曰後主至德年風吹朱雀門倒又明年大雨風自西北  
 激清水入石頭城時後主昏誅諫臣沉客卿明年陳亡  
 又曰隋文帝開皇中宮都大風發屋拔木時獨狐皇后干  
 預政事後宮多有濫死又楊素邪佞事  
 又曰開皇末秦州高胡乘驟遇暴風飄上空數百丈俄而  
 墜下人驟俱碎時晉王廣矯詐取媚謀危太子勇勇竟廢  
 死立廣為太子  
 淮南子曰人主之精通于天故誅暴則多飄風  
 京房易妖占曰獄吏暴害人臣專政暴風折木

又曰暴風折柱邑大憂暴風折木吹草上屋且有急令獨  
 祿風入宮人主死飄數相從入殿門有凶疾憂以此亡飄  
 留君門一日一夜不去亂兵在門獨祿風者面轉風也  
 京房別對災異曰狂風發何人君政教無法為下所逆則  
 致狂風發泄其救也脩政教聘賢士狂風消矣  
 又曰人君賦罰良善政教無常使命數變則致暴風折木  
 發屋鳴瓦或害殺人其救也脩舊典任忠臣思過自改則  
 風災消  
 六韜曰大主好田獵畢弋則歲多大風飄牛馬發屋拔木  
 民人飛揚數十里  
 漢書曰文帝時吳暴風雨壞城門吳王濞反卒服誅其年  
 楚王都彭城大風毀市門殺人後王與吳王濞謀反同誅  
 京房曰衆逆同志暴風將起



晉書曰孝武太元二年春暴風折木發屋夏又暴風揚沙石三年又暴風折木廢屋時苻堅強盛天玉崩霜又同精又曰安帝元興初夜大風雨大舡門飛落明年桓玄篡位沈約宋書曰前廢帝義符時正月朔朝暴風發殿前會席翻揚數十丈至五月帝廢爲滎陽王八月爲侯景廢棟梁書曰昭明太子孫棟簡文大寶二年八月爲侯景廢棟時與妃張氏鋤菜而法駕至驚懼而泣昇輦及卽位昇武德殿備陳文物於庭有暴風自東來吹旌旗悉倒又有迴風從地踊起折竿翻飛華蓋經出端門不見陪列者驚駭時人知其不終十一月景廢棟景乃篡立崔鴻十六國春秋曰南燕慕容超僭位祠南郊將登壇大風暴起天地晝昏行宮羽儀皆壞裂後超爲晉將劉裕所滅斬於建康市

又曰慕容盛建平元年八月暴風拔闕前七大樹其月步兵校尉馬勒謀反伏誅至長樂三年盛爲段續于秦所殺又曰後燕慕容垂遣太子寶伐魏次參合忽大風黑氣狀若堤防臨覆軍上沙門支曇猛言於寶曰風氣暴逆魏軍將至宜遣兵禦之寶笑而不納俄黃霧四塞日月晦冥魏師至三軍奔潰其年垂死又曰石季龍死子遵立其月夜暴風拔樹震雷雨雹俄而遵見殺隋書曰太子勇朝高祖於仁壽宮還至岐山妃元氏止于周大玉廟因縱騎獵須臾暴風折樹雨雪深至人膝天晦暝咫尺不相見妃因心痛再宿而死勇後廢爲庶人煬帝殺之又曰太子勇廢立晉王爲皇太子當受冊高祖曰吾以大



興公成帝業令出舍大興縣其夜烈風大雪地裂山崩民舍多壞死者百餘

又曰煬帝大業十四年三月在江都蜀王秀囚於右驍勇營暴風吹塵晝昏識者大以為異秀謂防者曰吾生年已來未見斯變亡國之禍應在且夕其日夜宇文化及司馬德戡裴乾通反

唐書曰玄宗天寶十一年潼關口女媧墓因風雨失所在後至肅宗乾元二年五月一日其墓復舊

黑風

後漢書曰世祖太常元年二月京師有黑風竟天廣五十餘丈其年四月沮渠蒙遜寇張掖

古今五行志曰大業十三年二月李密於鞏縣南設壇刑白馬祭天稱魏公置僚佐收元升壇時有黑風從南北暴

至吹密衣冠及僚屬皆匍匐于壇下沙塵暗天咫尺不相見良久息賊軍惡之俄而密敗

春秋潛潭巴曰天赤有大風發屋折木兵大起行千里

漢書曰建元四年夏有風赤如血六月旱

崔鴻十六國春秋曰張天錫十一年有赤風昏闇至十三年苻堅滅之

雷

古今五行記曰夏桀末年雷震殺人其年湯放之左傳曰僖公十五年九月晦震夷伯之廟董仲舒以為夷伯李氏之陪臣不當有廟明絕去僭差之類河圖曰臣僭奢下犯主則雷電擊朝京氏易五星占曰雷霆殺人何夫雷天拒難之折衝也人



君承用節度即雷風以節暴行威福則雷霆殺人其救也  
 議獄緩死則災銷矣  
 京房別對災異曰雷鳴連而不絕者何夫雷鳴萬里懼今  
 鳴不絕此謂人君行政事民不恐懼也故致游雷之災雷  
 當先電而鳴今雷電俱出或鳴而後電何此謂執法者貪  
 所致災也

後漢書曰桓帝建和三年六月雷震憲陵寢屋先是太后  
 聽兄梁冀枉殺李固杜喬

魏志曰魏明帝景初中洛陽水橋同日俱震時勞役大起  
 古今五行記曰吳孫權赤烏八年夏雷震宮門柱又擊南  
 津橋至十三年廢太子和立子亮

又曰晉惠帝永康初六月震崇陽陵標西南五百步標破  
 時賈后陷害大臣終見殺

晉中興書勸祥說曰元興三年永安王皇后至自巴防將  
 設威儀入宮天大雷震人馬多死  
 沈約宋書曰元嘉十四年震初寧陵標四破至地十七年  
 廢大將軍彭城王義康

後魏書曰太祖天賜六年震天安殿東序帝惡之令佐校  
 以衝車攻殿東西兩序屋毀之曰其為非耳至九年而卒  
 唐書曰太宗貞觀十一年四月震乾元殿前槐樹雷大雨

京房易妖古曰天冬雷地必震教令撓則冬雷民飢

漢書曰昭帝五年十一月大雷震十二月丞相王詵薨  
 後漢書曰安帝永初六年十月郡國大雷延光四年十月  
 郡國凡三十雷時鄧太后專政帝不親萬機  
 晉書曰吳孫亮建興初十二月大風雷亮具廢



又曰愍帝建興初十一月大雨雷震劉向以雷二月出八月入於此月雷電者陽不開藏失節之異是時九州幅裂至四年帝降劉曜害之至十八日晉中興書徵祥說曰太興元年十一月京都雷震凡未應雷而雷皆恒燠也

又曰升平二年十一月雷時皇太后臨朝政舒綏也崔鴻十六國春秋後趙錄曰建武十三年十二月雷大雨霖石虎問佛圖澄此何災也澄曰其為我耳至戊子而卒又曰前秦苻登攻姚萇冬大雷姚萇營殺七人萇軍大敗

春秋合誠圖曰霹靂擊於宮殿者妃后爭政

春秋潛潭巴曰霹靂擊宮失君精泄下有謀起宋均曰君精泄去也春秋繁露曰王言不從革而秋多霹靂霹靂者金氣也其

音商故應之

續晉陽秋曰太元五年霹靂合章殿四柱殺內侍二人

晉朝雜事曰元康七年霹靂破高禰石占曰賈后將殺愍懷

趙書曰前石時暴風雷雨霹靂震臺壞署婦人震死瘞之

三日重霹靂出之

蔡邕封事曰臣聞天降災異緣象而至霹靂數發殆刑誅

繁多之所生

洪範五行傳曰泰二世元年無雲而雷雷陽也雲陰也存

雲然後有雷有臣然後有君無雲而雷示君獨處無民臣

也

史記曰晉莊伯八年無雲而雷十年莊伯以曲沃叛



又曰幽公十二年無雲而雷至十八年晉夫人秦嬴賊君于高寢

又曰秦二世時無雲而雷二世不恤天下有怨叛之心是歲陳勝起兵天下亂

漢書曰武帝征和四年天清晏無雲有雷聲聞四百里至後年侍中莽何羅反

又曰成帝元延元年夏無雲而雷光耀四照昏乃止是歲趙飛鸞害後宮皇子

後漢書曰獻帝初平四年無雲而雷時天下大兵人民相食

晉書曰惠帝太安二年四月諸將立李特子雄為王八月天中裂為二無雲而雷成都王穎舉兵逼京師

又曰太安二年無雲而雷其年張方入京燒服御死者萬

計石超逼帝幸于緱氏王師不利大飢人相食

梁書曰大通六年十二月西南無雲有聲如雷至地是年魏分為二東西各主

崔鴻十六國春秋曰張重華三十九年十月無雲而雷聲皆東南引四十一年重華死子曜靈立為叔祚篡之

又曰南燕慕容超太上二年無雲而雷七年為晉將劉裕所殺

隋書曰文帝開皇二十年二月無雲而雷四月有聲如瀉水自南而北

又曰無雲而雷其年立晉王廣為太子皇太子勇廢為庶人

唐書曰則天時宗楚客以佞幸為內史受命之日無雲而雷聲震裂未周歲而誅







又曰保章氏以五雲之物辨吉凶水旱降豐荒之稜象也  
日物色也視日旁氣雲之色降也知水旱所下之國鄭  
謂農日以二至二分觀雲色青為蟲白為喪赤為兵荒黑  
為水黃為豐春秋傳凡分  
至啓閉必書雲物為備故也

京房易妖占曰天無雲雲自出且有兵出邑且有水如帶  
如鳥其下有兵

洪範五行傳曰雲者起於山彌於天雲陰也王者失中臣  
下咸蔽君不明則雲陰衆多蔽天光有雲如衆謂風師法  
有大兵

呂氏春秋曰亂國之主衆邪之所積其雲狀有若犬若馬  
若白鵠若衆軍其狀若人蒼衣赤首不動其名天衝其狀  
若懸旌而赤其名曰雲旌有狀若衆馬以鬪其名曰渭  
春秋潛潭巴曰雲氣沐沐不濁賢人去位小人得祿  
東觀漢記曰二公圍昆陽正晝有雲直營而墮不及地而

散吏皆歷伏  
表由松後漢書曰中平四年雲氣如冠相飲重疊彌天  
國志曆曰晉咸和元年七月雲鬪聲如暴風雨

宋書曰前廢帝景平二年有雲五色如錦其年五月司空  
徐羨之廢帝為榮陽王

青雲

河圖曰青雲刺月五穀不熟傍多赤雲如人頭大戰月旁  
有白雲如杵者三貫月六十日內有兵戰并始出有黑雲  
貫名激雲不出三日暴雨

崔鴻十六國春秋曰後趙石勒建平四年有赤黃雲如幕  
長數十疋其年勒死



又曰冉閔永興三年有雲黃赤色起東北長百餘丈是歲閔為慕容儁所殺

春秋運斗樞曰勢集於后族羣妃之黨僭黃雲四合女亂驚邦

赤雲

春秋感精符曰妻黨翔則黃雲入國候令冬至日見雲黑有水雲赤白如人頭懸鏡之狀禍流

黑雲

左傳曰哀公六年有雲如衆赤鳥爽日而飛三日楚昭王使問周太史太史曰其當干身乎若禳之可移於令尹司馬王弗禳而卒孔子曰楚昭王知天道矣不失國宜哉

趙書曰石虎建武四年東南卒有雲黑稍分為三疋又貫日日沒後分為七枚相去數十丈其間有白雲如魚鱗虎

氣

子韜曰當有刺客後果為太子宜所殺

釋名曰侵侵也赤黑之氣相侵也周禮曰春官既稜掌十輝之法以觀妖祥一日稜鄭司農云稜陰

左傳曰昭公十五年春將禘于武公戒百官梓慎曰禘之日其有咎乎吾見赤黑之稜非祭禘也喪氣也其在蒞事

乎二月癸酉禘叔弓蒞事籥入而卒

春秋運斗樞曰赤人刺房赤人賊氣而刺房房天王之明堂火星也

呂氏春秋曰亂國之玉其氣有豐上欽下有若水之狀有若山之狀春黃夏黑秋蒼冬赤

崔鴻十六國春秋北涼錄曰玄始十一年春正月饗群臣于謙光殿沮渠蒙遜曰南方有惡氣經天暴兵衆也不出



一旬必有寇問命治兵東苑以備之西秦遣騎七千來襲  
 至縣孫猴嶺聞有備而還  
 三輔舊事曰漢作靈臺以四孟之月登臺而觀黃氣為疾  
 病赤氣為兵黑氣為水也  
 漢書曰哀帝建平元年有白氣從地至天出參下貫太廟  
 廣如疋布長十餘丈哀帝陰病候也  
 續漢書曰孝和永元十六年四月丁未紫宮中生白氣如  
 粉絮占為喪  
 又曰孝靈熹平二年八月辛未白氣如疋練衝北斗第四  
 星占為大戰明年冬揚州刺史臧旻攻盜賊於建康斬首  
 數千級

李蜀書曰哀帝即位有白氣二道帶天望氣者言宮中有

伏兵果為邛都公所害也

晉書曰懷帝永嘉三年十二月有白氣如帶自地昇天南

北各二至五年石勒劉曜王彌皆寇洛陽帝蒙塵于平陽

劉聰封帝為會稽公

又曰成帝咸和元年後蜀李雄玉衡二十四年雄死太子

班立有白氣如帶經天太史占有陰謀班不悟為李期所

殺

宋書曰文帝元嘉二十六年十二月夜有白氣貫於北斗

屬于地至明年魏太武至瓜步江

陳書曰文帝天嘉五年六月夜有白氣兩道出于北斗東

南屬于地後年四月帝崩太子伯宗立廢為臨海王

又曰宣帝太建五年二月夜有白氣貫于北斗紫宮屬于

地至明年北齊兵至于江



隋書曰蕭吉煬帝嗣位拜太府少卿行經華陰見楊素家  
上有白氣屬天密言於帝帝問其故吉曰其後素家當兵  
禍絕滅之象改葬可免帝後謂玄感曰公家官改葬玄感  
亦微知其故以爲吉祥託以遼東未滅不遑私門之事未  
幾玄感以反族誅

赤氣

漢書曰成帝永始三年二月癸未夜東方有赤白色氣大  
三四圍長二三丈索索如樹南方有大樹四五圍下莖十  
五餘大皆不至地讖占曰東客之變氣狀如樹木以此知  
四方欲動者明年十二月己卯尉氏男子楚並等謀反庚  
子山陽鐵官亡徒蘇令等爲大賊一日有兩氣同時起而  
並令等同月而俱發

又曰王莽建國四年夏赤氣出東南竟天明年二月元帝

王皇后崩

後漢書曰獻帝興平末年夜有赤氣貫紫宮明年改元建  
安政歸曹氏

晉書曰惠帝大安二年赤氣竟天又永興三年十一月夜  
有赤氣竟天其年十二月成都王穎攻洛陽

又曰懷帝永嘉元年正月天氣晝赤氣有聲如雷明年劉  
元海僭位

宋書曰文帝元嘉七年十一月西北有赤氣中黑如旌旗  
至八年滑臺爲魏軍圍糧盡城中燠鼠而食之

後魏書曰莊帝永安三年十一月己丑有赤氣如霧從顯  
陽殿階西南角斜屬廊高一丈連地如絳紗自未至戌不  
滅帝見而惡之

隋書曰周靜帝大定元年有赤氣起西方東行遍天下七



月隋公堅禪位  
又曰隋大業末越王侗東都留守為王世充所幽世充自立為丞相百官摠已於尚書省受冊設樂文武陪位於廳西有赤氣如絳幔自辰至戌而滅旬日世充乃殺朝士元文都盧楚遂篡位

黑氣

史記周靈王二十年有五黑氣如日至景王五大夫爭權

後漢書曰靈帝光和元年六月有黑氣墮所御溫德殿庭十月皇后宋氏廢至中平元年鉅鹿人張角稱黃巾帥部三十六萬同日反叛

宋書曰明帝太始二年三月夜有黑氣五東西經天南行隋書曰梁元帝承聖三年六月有黑氣如龍見殿內其年

元帝為西魏所擒  
又曰陳廢帝臨海王時十月日入時有黑氣如雲入日中其年見廢

雨

史記曰夏桀末年大雨水俄為湯所放

京房易妖占曰雨鳴瓦任威武大臣專擅霖雨壞道

尚書洪範咎徵曰狂悖雨若

君行妄則常雨

左傳曰莊公十一年秋宋大水公使吊焉曰天作淫雨害於棗盛若之何不吊對曰孤實不敬天降之災又以為君憂非命之咎

春秋繁露曰木有變則春多雨此徭役眾賦歛重故也京氏別對災異曰人君擅私恩恣意縱情不與臣下同謀即致偏雨夜墮也不救致苦雨降萬民愁勞水絕道其救



也與公道無私黨此災消矣

漢書曰文帝後三年秋大雨晝夜不絕三十五日流殺民家新垣平謀反之徵

又曰昭帝時秋大雨自七月至十月時帝幼霍光專政

又曰成帝時秋大雨四十餘日時王氏舉宗在朝之應

又曰哀帝時夏大雨雹又冬大風雨雹其年郡國四十一

雨水明年京師及郡國又四十一雨水海賊張伯路與平

原劉文光等攻厭次殺令長

又曰王莽地皇中赤眉殺太師義仲莽遣太師王匡討之

莽兵出東都門外天大雨沾衣長安父老歎曰是爲軍泣

時百姓飢荒莽令煮草爲酪不可食重於煩費

又曰四年六月光武兵至昆陽莽使司徒王尋司空王邑

將兵百萬圍之會天大風飛屋瓦雨下如注二公兵亂敗

自相殘殺澧水爲之不流

後漢書曰靈帝時夏京師大雨水其秋中常侍曹節矯詔

誅太傅陳蕃將軍竇武遷太后於北宮至後年京師又雨

水暴出其年竇太后崩是苦雨之應也

又曰獻帝初平初董卓逼帝入長安將入宮日大雨晝昏

卓殺太傅袁隗太僕袁基及男女宗族五十餘人

又曰獻帝熹夏大雨水時曹操殺皇后伏氏

又曰獻帝末司徒王允殺董卓卓將李傕郭汜攻陷長安

殺戮甚衆乃收卓尸葬於鄜葬日大風雨雨水從臙溢漂

卓棺出於穴俄而僮汜皆被殺

續漢書曰建光元年京都及郡國二十九日淫雨傷稼是

時羌反外未平百姓屯戍不解愁苦

又曰和帝熹二年夏霖雨五十餘日是時大將軍梁冀



秉政 又曰靈帝建寧元年夏霖雨六十餘日是時大將軍竇武謀廢中官其年九月長樂五官史朱瑀等共中常侍曹節起兵闕下武敗走追斬武兄弟死者數百人

魏志曰明帝時大雨殺鳥雀時帝居喪不哀出入弋獵故有恒雨為罰之變 晉書曰元帝時大雨四十餘日晝夜雷電時王敦與兵王師敗績

又曰成帝時頻年大雨恒雷時蘇峻餘黨猶據石頭帝幼權在臣下也 齊書曰明帝時王敬則為大司馬拜日大雨洪水文武失色敬則後竟被誅 崔鴻十六國春秋曰後趙石勒將寇鄴霖雨三月不止王

師敗季龍于匡靈口赴水死者五百餘人勒軍大飢相食又曰石勒元年大霖雨滂沱泛溢衝山陷谷巨松僵拔東至于海原隰之間皆如山積後文騫擊勒孔萇大敗而歸後又霖雨中山暴水流漂巨木百萬後有季龍篡奪之事 隋書曰魏靜帝時大雨七十餘日後元瑾荀濟劉思逸謀殺齊文官不遂咸被誅 又曰北齊武成清河年大雨晝夜不息數十日山東大水人多餓死是年匈奴來寇并州

又曰後主大統三年積陰大雨時太后淫亂也 隋書曰文帝仁壽元年夏驟雨震雷大風拔木宜君湫水移於始平明年獨孤后崩 唐書曰則天長安四年九月霖雨兼雪凡陰一百五十餘日至神龍元年正月五王誅二張孝和反正方見晴霽



又曰德宗貞元二十一年順宗風病王叔文用事連月陰  
雨不霽乃以憲宗為皇太子制曰日即晴傳所謂皇之不  
極厥罰怕陰皆此類也

無雲而雨

春秋感精符曰失陽事則無雲而雨宋均注曰四月純陽

也

河圖秘徵曰主急妄怒失陽事則主無雲而雨

京氏別對災異曰無雲暴雨何人君封拜無功進無德則  
致不雲而暴雨過惡暴揚誅反受罪密雲而不雨其救也  
誅疆郵弱信及兆民雲雨時也  
隋書曰梁武帝時雨自七月至十月是時頻年與帥士卒  
疲弊

又曰元帝承聖中湘州賊陸納推李洪雅為王羽儀器甲

其精徒黨勇銳時天日精明初無雲霧軍發之際忽然風  
雨時人謂為軍泣百姓竊言知其敗也元帝命竟陵太守  
王僧辨討平之

京房曰若出軍之日無雲而雨此天泣軍沒不還雨不沾  
衣名曰鬼泣其軍必敗

抱朴子曰無雲而雨是為雨血將軍當揚兵講武以應之  
大雨軍中甚必無功

雨土

京房易傳曰內淫亂百姓勞苦則天雨土此小人將起是  
謂黃生日土失其性則雨塵土沙灰皆土之類

尚書中候曰夏桀無道山亡土崩殷紂時十日雨土於亳  
紂竟國滅

伏侯古今注曰漢武帝元朔四年雨土



又曰昭帝始元二年雨土晝昏  
又曰元帝建昭四年雨土

梁書曰武帝大同元年雨土二年又雨黃塵如雪攬之盈  
掬時帝溺於佛法興造尤甚

後魏書曰世宗景明四年涼州雨土如霧時鼻尚書令高  
肇專政俄而被殺

隋書曰隋文帝開皇二年京師雨土四年關中亂飢諸王  
各謀爲逆時內營都邑後起仁壽宮下匠死者太半

雨沙

隋書曰梁簡文帝時雨黃沙時侯景陵上其年人相食

雨灰

隋書曰梁武大同年雨灰色黃時帝惡人勝己又信佛法  
捨身爲奴蔽賢絕道後有侯景之亂

雨血

戰國策曰齊湣王三十一年侵伐隣國窮兵極武外怨於  
諸侯內失於百姓燕將樂毅連五國兵以伐之湣王出走  
楚使淖齒救齊淖齒謂王曰夫千乘博昌開地方數百里  
雨血沾衣羸博之地圻及至泉有人當闕而哭求之不得  
去則又聞其聲王悉知之乎王曰不知淖齒曰天地人皆  
以告矣而王不知何得無誅遂殺湣王以與燕鬪而敗  
漢書曰惠帝時宜陽雨血一頃時諸呂用事殺三皇子建  
立非嗣退大臣王陵趙堯周昌后崩大臣共誅滅諸呂僵  
尸流血之應

又曰哀帝時山陽雨血廣三尺長五尺大者如錢小者如  
麻後二年王莽擅朝誅貴戚丁傅董賢用事

晉書曰惠帝永康元年三月尉氏雨血明年正月趙王倫



纂位遷帝於金墉城其後天下大兵禍流王室

崔鴻十六國春秋日前趙劉聰建元元年十二月雨血於左司隸寺覆地其月又雨血東宮延明殿徹瓦在地者深五寸二年四月雨血於東宮其年十二月又雨血於東宮廣袤頃餘麟嘉元年二月雨血東宮其月又雨血於光極殿來年雨血平陽廣袤十里其月聰死劉瓌為靳淮所殺又日後趙石遵時雨血周遍鄴城俄為石鑿冉閔所廢閔遂滅石氏誅胡人

又曰南燕慕容超將敗東萊雨血俄而國亡

又曰後蜀李勢末年天雨血俄降於桓温也

隋書曰文帝時突厥雍閭可汗境內雨血三日俄而為隋師所滅

唐書曰高祖武德初突厥處羅可汗欲侵中夏會天雨血

三日乃止而處羅疽發而死

後漢書曰桓帝時廉縣雨肉似羊肺大如手時梁冀專政

盜賊攻掠明年梁太后崩冀亦敗

魏志曰公孫淵將亡襄平北市生肉長圍各數丈有頭目口喙無手足而動搖占日有形不成有體無聲其國滅亡其年司馬宣王討平之

晉書曰愍帝建興元年十二月河東雨肉劉石擁兵帝竟沒遇害

崔鴻十六國春秋日前趙劉聰時有流星起于牽牛入紫宮龍形委曲蛇行光照地落于平陽北十里視之則肉臭聞平陽長三十步旁常有哭聲墨子曰殷紂滅年天雨肉其年為周武王所滅



京房曰邪進賢退前樂後憂金失其性則雨毛也

漢書曰武帝時天雨白毛明年又雨之時征役繁興戶口

凋散十六國春秋曰前趙國初晉末是年旱入紫

晉書曰武帝時蜀雨白毛益州刺史皇甫晏為牙門張弘

謀害曰漢書曰武帝時天雨白毛益州刺史皇甫晏為牙門張弘

隋書曰文帝開皇六年京師雨毛如馬尾長者二尺餘六

七寸其月梁士彥宇文忻劉昉以謀反誅明年發士萬人

築長城又於揚州開山造瀆以通運眾役繁興雨毛之應

漢書曰桓帝時京師雨冰其年皇后梁氏崩梁冀與妻白

殺○崔鴻十六國春秋曰涼張駿二年九月雨冰狀若絲

續皆著草

續皆著草

雨花

隋書曰文帝仁壽年在仁壽宮天頻雨花大者徑寸小者

如榆莢○又曰毛州天雨金銀花遍四十餘里

雨草

京房曰君恹祿信衰厥妖雨草火失其性則草妖

漢書曰元帝時雨草而葉相摻結大如彈丸時帝外氏權

盛京房曰國破亡若雨孽人主殃

又曰平帝時雨草狀如元帝時王氏專政至於莽乃篡位

政在私門之家

宋書曰明帝太始四年雨草于宮明年魏侵青州殺太守

雨穀

史記曰梁惠成王八年雨黍于齊

京房曰雨五穀人相食



又曰燕丹囚於秦天雨粟於燕後秦滅之  
後漢書日光武末陳留雨粟形如稗實

雨魚

漢書曰成帝時雨魚長五寸已下時王氏專政  
崔鴻十六國春秋曰後蜀李期末年大雨魚於宮中其色  
黃其年爲李壽廢殺之  
又曰夏赫連勃勃鳳翔元年五月雨魚于統萬時興役尤  
甚

雨蝻

史記曰魯文公三年雨蝻劉向以爲宋殺大夫而無罪有  
暴虐賦歛之應

雨錢

廣五行記曰後魏宣武景明年海陵人黃尋家貧忽風雨

錢飛至家後巨富錢數萬其後被誅

雨水銀

隋書曰文帝仁壽四年八月仁壽宮內再雨水銀又陝州  
雨水銀奏高祖高祖知非祥其年太子逆殺漢王諒舉兵  
天下將亂之應

雨金

史記曰晉惠公二年雨金至六年秦穆公涉河伐晉

雨續

宋書曰孝武大明七年會稽雨續委於山澤續如麻紵脆  
似地毛至八年大餓橫屍原野

雨帛

宋書曰文帝元嘉十七年七月張仲舒晨夕輒見門側有  
赤氣赫然空中忽雨絳羅於庭中廣七八分長五六寸皆



以箋紙繫之紙廣長與羅等紛紛甚駛舒惡而焚之舒經

宿暴死

又舒云... 舒經

太平御覽卷第八百七十七

雨金

太平御覽卷第八百七十七

太平御覽卷第八百七十七

雨水

太平御覽卷第八百七十七

太平御覽卷第八百七十八

咎徵部五

太平御覽卷第八百七十八

雪

不時雪

赤雪

霜

晝霜

電

霧

赤霧

黑霧

虹蜺

紫蜺

白虹

左傳曰昭公四年正月大雪劉向以為昭公娶吳婚於同

姓董仲舒以為季孫宿專政陰氣盛也

漢書曰武帝時十二月大雨雪人凍死時衡山王謀反廢

而殺之又曰元帝時十一月齊楚大雪深五尺時石顯陷魏郡太

守京房殺之



又曰王莽天鳳中地震大雨雪深一丈竹栢枯死其年瑯  
邪女子呂母爲子報仇黨至數萬時天下大亂飢  
晉書曰吳孫權時正月大雨雪平地三尺鳥獸死者大半  
將軍全琮於淮南戰死者數十萬

又曰孫亮時春大雨雪震電既雷則雪不當復降而亮見  
廢

宋書曰孝武帝時大雪平地二尺明年虜侵冀州

後魏書曰世祖太平眞君八年北鎮大雪人畜凍死時政  
嚴急司徒崔浩濫被誅

不時雪

左傳曰桓公八年八月雨雪劉向以爲夫人有淫行將弑  
象栢公不覺與夫人如齊而弑死雪又雨之陰出非其時  
迫近象陰氣盛也

易通卦驗曰乾得坎之蹇則夏雨雪北夜昏五穀不  
詩推度災曰逆天地絕人倫則夏雨雪

京房曰夏雨雪臣爲亂

漢書曰文帝時六月大雨雪後二年淮南王長謀反遷蜀  
道死

又曰武帝時三月雨雪平地厚五尺是歲御史大夫張湯  
有罪自殺丞相翟嚴青坐與三長史奔市人皆誅

又曰成帝陽朔四年四月雨雪燕雀死後二年許皇后廢  
晉書曰武帝時大雪其年吳將步闡敗死傷甚衆後又八

月大雪折木

又曰穆帝時八月大雪人馬凍死時政由臣下

崔鴻十六國春秋曰前涼張祚和平元年大會黑風冥闇  
五月雨雪行人凍死祚廣征兵三十餘道入擊南山諸種



時入千里張掖人王鸞上書諫言軍不可行行有大變祚怒以爲妖言斬之祚與嚴展吳綽升飛鸞觀征虜趙長校尉張璠入謙光殿拜張玄靜爲主咸稱萬歲祚愕然便下目欲殺我耶長曰然遂刺祚傷額殺之

又曰後蜀李雄以晉咸康六年八月死之日宮內積雪自外則否石虎鄴中記曰虎以五月發五百里內萬人營華林苑至八月天暴雨雪雪深三尺作者凍死數千人太史奏作役非時天降此變虎誅起部尚書朱軌以塞天災

廣五行記曰梁武帝時三月大雪平地三尺時義州刺史文僧朗以州叛於魏大同中七月青州雪害苗稼交州刺史李賁舉兵僭號

後魏書曰靜帝興和二年五月大雪時北齊神武發卒十

萬築鄴城又有無君之心

又曰武定時二月大雪人畜凍死道路相望時高歡專政帝政臨虛器

隋書曰北齊武成河清年二月大雪連月南北千里平地數尺時匈奴與周師入并州殺掠吏人又曰武成任用和士開至後主復寵之隴東王胡長仁元舅之尊欲理政被士開所譖出爲齊州刺史武平二年三月天忽降雪一尺餘時生苗已出雪覆之盡壘禾頭後微萎而不死百姓相謂日禾不死及壘凍長仁在齊州密遣刺客殺士開事發勅遣使於齊州賜死則隴凍之驗晉書曰武帝太康七年河陰雨赤雪二頃



謝承後漢書曰郎顛上事曰入歲常有霜氣月不舒光日  
 不宜耀陛下倦於萬機政有關也  
 抱朴子曰若霜氣有圍城或入於城則外兵得入若霜氣  
 從內出主人出戰  
 京房易傳曰興兵妄誅厥災夏霜殺五穀誅不原情茲謂  
 不仁冬先雨乃隕霜有芒角賢聖遭害其霜附木不入地  
 毛詩曰正月繁霜我心憂傷正月夏之四月也繁多也四  
 月建巳純陽用事霜多急恒  
 寒若之異傷害  
 萬物故心憂也  
 春秋考異郵曰魯僖公即位隕霜不殺草李梅實梅李大  
 樹比草為貴是君不能伐也定公即位隕霜不殺菽菽者  
 稼最强李氏之萌  
 又曰穆公即位仲夏霜殺草日中不消  
 春秋命曆序曰桀無道夏出霜

師曠占曰春夏一日有霜者君父母治政大嚴大殺天以  
 示之何以言之霜威殺萬草坐大殺也見變如此宜損威  
 殺重人之命  
 漢書五行志曰左傳僖公時八月霜不殺草謂襄仲專權  
 殺嫡立庶公室遂弱至三十三年冬霜不殺草劉向以為  
 君誅不行舒緩之應是時公子遂專政三桓繼為卿皆為  
 亂矣  
 又曰定公元年八月霜殺菽劉向以為誅罰不由君出在  
 臣下之象是時季氏逐昭公死于外草也  
 又曰武帝時四月霜殺草木是時天下戶口減耗  
 又曰元帝時三月九月隕霜殺稼時弘恭石顯專政迫逐  
 忠烈進用邪佞  
 又曰王莽天鳳六年四月霜殺草木則專政已亂至地皇



四年秋霜關東人相食馬適王匡等兵起羣盜大亂  
晉書曰武帝時八月霜害豆又五月隕雪傷穀時大舉征  
吳又五月霜殺桑麥時王濬大劫被陷無辜  
又曰惠帝時三月霜傷木五月雨雹時賈后廢愍懷太子  
隋書曰梁武帝時三月六月降霜殺草時發卒拒魏百姓  
勞苦  
唐書曰太宗貞觀初突厥頡利可汗部落五月霜降至四  
年為僕射李靖所滅  
隋書曰北齊武成時晝霜下其年傳位於太子緯

京房易飛候曰雹下盡樹木枝害五穀者君賦歛尅民  
禮記月令曰仲夏行冬令則雹凍傷穀

左傳曰昭公四年正月大雨雹季武子問於申豐曰雹可  
禦乎對曰聖人在上無雹雖有不為災古者日在北陸而  
藏冰西陸朝覲而出之其出入也時今棄而不用雹之為  
災誰能禦之  
春秋考異郵曰僖公九年秋昭三年冬並大雨雹時僖公  
專樂齊女綺畫珠璣之好掩月光陰精凝為災異昭公事  
晉陰精用密故災  
史記曰周孝王七年厲王生冬大雹牛馬死江漢俱動及  
孝王崩厲王立王室大亂  
漢書曰宣帝太始中山陽濟陽雨雹如鷄子深二尺五寸  
殺飛鳥牛馬皆死七月大司馬霍禹謀反皆伏誅八月霍  
皇后廢成帝時四月楚國雨雹大如斧飛鳥死時王氏專  
政



又曰王莽時雨雹殺牛羊莽殺其少子咸時天下大亂百姓窮愁起為盜賊  
後漢書曰安帝初元四年六月郡國三雨雹大如鷄子殺六畜時鄧太后以陰盛專於陽政  
又曰獻帝初平四年六月扶風雨雹大如升殺人時天下潰亂曹操專政帝臨虛器  
吳志曰孫權時雨雹權聽讒太子和見廢  
晉書曰武帝時五月雹傷禾麥壞屋時王濬有大功被陷帝不斷陰憎陽之應  
又曰惠帝時六月雨雹深三尺時賈氏專政遂廢愍懷太子  
又曰元帝時風雹殺人時王莽擁兵不朝內外戒嚴  
又曰明帝時京都大雨雹鷲雀死

又曰四月大雨雹是年蘇峻為亂  
又曰穆帝時六月雨雹大如升後四年張祚在涼州為宋混所滅  
宋書曰文帝元嘉三十年五月盱眙雨雹大如鷄卵明年冬太子劭兵亂  
隋書曰梁武帝大通年四月雹時帝數捨身作奴為沙門所制陰憎陽之應  
崔鴻十六國春秋曰後趙石勒時暴風大雨雹震建德殿端門襄國市西門倒殺五人雹起西河大如鷄子平地三尺滂下丈餘行人禽獸死者萬數歷十餘甲樹木摧折禾稼蕩然勒問徐光光曰去年不禁寒食介推帝鄉之神也  
歷代所尊故有此災  
又曰石遵時雨雹大如孟升立百餘日為石鑿所殺鑿為



冉閔殺之  
隋書曰陳宣帝太建二年六月大雨雹十年四月又大雨  
雹如與王叔陵刺後主於喪次據東府反俄而伏誅

霧

禮記月令曰仲冬行夏令則氛霧冥冥

霜霧之氣也  
散相亂也

晉書曰成帝咸和元年大霧步武不相見會稽王道子專  
政之應

國志曆曰晉咸和元年三月霧殺桑果

宋書曰晉安王子勛帝子業景和年中即偽位其日雲霧

四合旬日被殺

齊書曰武帝時大霧竟天如煙入人眼鼻後二年皇太子

死

後魏書曰靜帝武定年冬大霧六旬晝夜不解明年常侍

荀濟華山王大器及元思僅等謀殺大將軍高洋事洩荀  
濟等並戮於市

隋書曰陳後主末年正月朔大會羣官大霧四塞人眼鼻

卒酸明年降隋

陸機別傳曰機被誅日大風折木天地霧合

抱朴子曰伊尹受戮大霧三日

兵書曰霧四面圍城必有兵到城下不出其月

尚書中候曰桀為無道地吐黃霧

漢書曰成帝初即位封舅王鳳王根等五人關內侯其月

黃霧四塞終日竟夜著地者如黃土塵奪日光王鳳等大

懼

又曰王莽天鳳元年六月黃霧四塞其年緣邊大飢人相



食... 晉書曰惠帝時冬黃霧四塞六日乃止明年趙王倫篡位  
時朝昏兵亂帝屢蒙塵... 又曰明帝初頻有黃霧四塞時王敦害尚書刁協僕射周  
顛... 又曰穆帝時涼州黃霧下如塵時張重華納譖後年重華  
殆嗣子見殺... 又曰孝武帝時黃霧四塞時會稽王道子專政親近佞人  
又曰安帝時黃霧昏濁不雨時桓玄謀逆帝返正頻年大  
霧時帝室衰微臣下擁兵反土地非君之有  
晉中興書徵祥說曰太寧元年黃霧四塞王敦之應  
宋書曰文帝元嘉二十九年十二月黃霧四塞  
崔鴻十六國春秋曰前涼張茂四年正月黃霧四塞其年

茂死也... 又曰前趙劉聰元年十月聰將趙固與晉車騎將軍王申  
相拒於延津時黃霧晝夜人不相見固軍大敗  
又曰後趙石勒建平四年黃霧四塞氛障蔽天十月大疫  
死... 春秋運斗樞曰血濁霧天下小冤血濁霧  
後魏書曰世宗正始二年正月夜陰霧四塞初黑後赤又  
延昌元年黃霧蔽寒時帝舅肇擅權矯詔害諸王公之應  
黑霧... 晉書曰愍帝建興二年春霧著人如墨連夜五日時天下  
兵起後二年帝降劉曜... 又曰元帝永昌元年十月京師大霧黑氣蔽天日月無光



十一月壬敦舉兵平十日京師大霧黑屋赫天日且黑光  
 崔鴻十六國春秋曰前趙劉聰建元元年正月朔日黑霧  
 四塞終日竟夜著人如墨五日而止後三年聰子粲殺其  
 弟曰明帝初黑霧  
 易通卦驗曰虹不時見女謁亂公虹者陰陽交接之氣陽  
 倡陰和之象今失節不見者似人君必在房內不循外事  
 廢禮失義夫大淫恣而不制故曰女謁亂公  
 京房易妖占曰虹出君池若欲君非其君無後  
 春秋潛潭巴曰虹五色迭至照于宮殿有兵革之事大災  
 春秋感精符曰九女並譌則九虹並見  
 黃帝占軍氣訣曰攻城有虹欲攻之勝  
 京氏別對災異曰虹蜺近日則姦臣謀貫日客代主其救

也釋安樂誠非常正股肱入賢良

漢書曰虹蜺陰陽之精如淳曰雄曰雌曰蜺也

又曰雨虹下屬燕王且井中飲井水竭其後誅

續漢書曰靈帝光和元年有黑氣墮北宮溫殿東庭中如

車隆起奮迅五色有頭長十餘丈形似龍上問蔡邕對曰

所謂天投蜺者也不見足尾不得稱龍中平元年黃巾賊

張角等起

東觀漢記曰光和中  
 有虹蜺降嘉德殿上引楊賜等入金

商門崇德署問以祥異對曰天投蜺天下恐海內亂

晉書曰愍帝建興五年正月帝在平陽虹蜺彌天其年帝

為劉聰所殺

崔鴻十六國春秋曰前趙劉聰麟嘉元年時東西赤虹經

天南有一歧



隋書曰周武帝建德五年圍北齊後主於晉州是夜州城上有虹首南向尾入紫宮長十餘丈六月晉州陷被擒

白虹

詩推度災曰撓弱不立邪臣蔽主則白虹刺日為政無常

天子疑則蜺逆行

周禮春官眡祲曰掌十輝之法以觀妖祥七日彌鄭司農云彌白

虹彌天也玄謂彌氣貫日也

史記曰鄒陽上書曰荆軻慕燕丹之義白虹貫日太子畏

之應邵曰燕太子丹秦始皇遇之无禮丹亡去故厚養荆軻令刺秦王情誠感天白虹為之貫日烈士傳曰太子

丹見虹貫日不徹曰吾事不成矣

漢書曰成帝即位時年二十委政諸舅王鳳王愔等兄弟

五人遞為宰相五人同拜封號五侯五侯專權賢者屏退

京兆尹王章以直言被誅正月有白虹出于營室

後漢書曰唐檀永建五年舉孝廉除郎中是時白虹貫日

檀因上便宜三事陳其咎勸書奏乃棄官去

吳志曰諸葛恪自新城出住東典有虹見其舡還拜蔣陵

白虹繞其車後遂被誅

崔鴻十六國春秋曰後趙石季龍建武六年大旱白虹經

天建武九年白虹出大社連天至十四年國亂

紫蜺

太玄經曰紫蜺圍日其疾不割

太平御覽卷第八百七十八







蒙塵于平陽漢四平日中谷又曰孝武時大風晦暝其後諸侯違命干戈內侮

崔鴻十六國春秋曰前秦苻堅時大風從西來俄而晦暝

恒星皆見後為謝石所敗謝石與苻堅之果會又曰南燕慕容超太土四年超祠南郊大風暴起天地晝

昏至七年超為晉將劉裕所滅謝石與苻堅之果會宋書曰孝武時晉陵王誕鎮廣陵將入城晝晦而反見殺

又曰晉安王子勛即偽位拜安陵王子綏為司州其日晦

暝俄子勛被殺隋書曰梁元帝承聖中日晝昏天地昏暗明年為西魏所

執遇害漢書五行志曰昭帝無嗣立昌邑王賀賀即位天陰晝夜

不見日月賀欲出光祿大夫夏侯勝當車諫曰天久陰而

不雨臣下有謀上者陛下欲何之賀怒縛勝以屬吏吏白

大將軍霍光光時與車騎將軍張安世謀欲廢賀光讓安

世以為泄語安世實不泄召問勝勝上洪範五行傳曰皇

之不極厥罰常陰時則有下人伐上不敢察察言故云臣

下有謀光安世讀之大驚以此益重經術士後數日卒共

廢賀此常陰之明効也晉書曰吳孫亮時沈陰不雨三十餘日時將誅孫綝謀泄

綝以兵廢亮又曰孫皓時久陰不雨太史奏將有陰謀皓驚懼時陸凱

等欲謀廢不遂皓既肆虐羣下多懷異圖終降晉崔鴻十六國春秋曰前秦苻堅時久陰不雨俄為苻堅廢



隋書曰文帝開皇末久陰不雨是時獨孤皇后與楊素謀廢太子為庶人而後殺之立晉王廣為太子唐書曰睿宗先天二年四月陰至六月一百餘日至七月三日誅竇懷貞等十七家方晴

旱

尚書洪範咎徵曰僭恒陽若君行僭差常陽順之禮記檀弓下曰歲旱穆公召縣子而問然焉然之言曰天久

不雨吾欲曝厓而奚若天者面向天冀日天則不雨而曝

人之疾于虐無乃不可乎銅疾人之所哀曝之是虐然則吾欲曝而

奚若曰天則不雨而望之愚婦人於以求之無乃已疏乎

徙市則奚若曰天子崩巷市七日諸侯薨巷市三日為之

徙市不亦可乎徙市者庶民之喪禮也今徙市是憂戚於早若喪也

左傳僖公曰夏大旱公欲災巫庭臧文仲曰非旱備也脩

城郭貶食省用務嗇勸分嗇儉也勸分有無相濟此其務也巫庭何

為天欲殺之則如勿生若能為旱焚之滋甚公從之是歲

飢而不害害民

又昭公時鄭人旱使屠擊有事於桑山有事祭也斬其木不雨

子產曰有事於山藝山林也藝養護而斬其木其罪大矣

奪之官邑

春秋考異郵曰旱之言悍也陽驕蹇所致也

春秋繁露曰水干土則大旱

洪範五行傳曰魯桓公五年大雩旱也先是殺君而立有

危亡之心而下有悲慙之氣外結大國娶於齊以為夫人

後比二年天子使大夫來聘桓上得天子之意下得大國

之心則有充陽之意以御臣下與邢丘之役以勞百姓則

臣下離心而不從故應是而秋大旱



又曰魯宣公十年秋大旱是時公與齊伐萊夫伐國亢陽節也師旅百姓所不欲也故應是而大旱又曰旱所謂常陽不謂常陽而謂旱者以旱為災也旱之為言乾也萬物傷於乾而不得水也君持亢陽之節暴虐於下興師旅動眾勞民以起城邑臣下悲怨而心不從故陽氣盛而失度故旱災應也

物理論曰陽盈而過故致旱

家語曰哀公問孔子曰旱如之何孔子曰內年則乘駕馬

力役不興馳道不備馳道君祈祈以幣玉有玉所祈請用也

祭事不懸不懸不祀以下牲常用大牢此則賢君自貶

以救民之禮也

史記曰紂末年大旱俄為武王所殺滅也

又曰晉莊伯元年不雨雪二年翟人俄伐翼至于晉郊

又曰共和十四年大旱火焚其屋伯和篡位立故有火旱

其年周厲王奔彘而死立宣王

又曰魯莊公三十年冬不雨是歲一年而三築臺于郎夏

築臺于薛秋築臺于秦

又曰僖公二年二月春夏不雨莊公夫人與公子慶父淫

而殺二公國人攻之慶父桓公子莊公弟二公謂子般及

閔公

又曰襄公五年秋大雩先是宋魚石奔楚楚伐宋取彭城

以封魚石八年九月大雩季氏盛二十八年八月大雩晉

使荀吳齊使慶封來聘是夏邾子來朝襄公自大應之

又曰昭公三年八月大雩公居喪不哀亢陽失眾六年九

月雩先是莒牟夷以三邑來奔莒怒伐魯亢陽動眾之應

十六年九月大雩昭公夫人薨昭公不感又大蒐于比蒲



魯有大哀君無感容殆其失國二十五年七月大雩旱甚  
 又劉歆以為時君與季氏有隙昭公伐季氏為季氏所敗  
 山奔齊  
 漢書曰惠帝五年夏大旱江河水少谿水絕先是發男女  
 十四萬人城長安  
 又曰文帝時秋大旱其年濟北王興居反伏誅五年春天  
 下大旱匈奴入上郡雲中烽火通長安三將軍周亞夫劉  
 禮徐厲等出兵  
 又曰武帝元光六年夏大旱是年衛青李廣公孫賀為四  
 將軍出匈奴元朔五年春大旱十餘萬眾征匈奴元狩三  
 年夏大旱是歲發天下民吏伐棘上林穿昆明池天漢中  
 頻大旱是年李陵沒征和元年夏大旱閉長安城門大搜  
 治巫蠱明年衛皇后太子死

又曰宣帝本始三年夏大旱東西數千里先是五將軍二  
 十萬眾征匈奴趙充國范朋友等為將  
 又曰和帝時夏旱傷苗稼其年武靈蠻陬叛寇金城  
 又曰順帝時京師旱揚州六郡賊寇四十九縣殺其長吏  
 又曰桓帝時京師旱郡國飢疫人相食明年皇后崩梁冀  
 用事尤盛

又曰獻帝興平元年秋三輔旱人相噉食白骨委積郭汜  
 攻李傕矢及御前李傕逼乘輿幸其營壘  
 魏志曰有白毛玠出見黥反者妻子面玠曰使天不雨蓋  
 此也太祖大怒收玠付獄大理鍾繇詰玠曰急當陰霖何  
 以反早玠遂黜免  
 晉書曰武帝太始八年五月旱是時帝納荀勗邪說留賈  
 充不復西鎮上下皆蔽之應也又李喜魯芝李膺等並在



散職

又曰太始十年四月旱去年秋冬採擇卿校諸葛冲等女五十餘人人殿簡選又取小將吏女數十人母子號哭於宮中聲聞於外行人悲酸是殆積陰生陽之應

又曰永寧元年春夏郡國旱是年三王討趙王倫六旬之中數十戰死者十餘萬

又曰懷帝永嘉初大旱河洛漢皆可涉是年東海王越歸京都遣兵入京收中書令繆播殺之又劉元海石勒王彌之徒賊害百姓流血成川

又曰明帝時夏大旱是時王敦有石頭之變二宮陵辱大臣誅死

王隱晉書曰愍帝建興四年丞相府督軍令史淳于伯刑於建康市百姓誼譁咸曰伯寬於是大旱三年

晉中興書徵祥說曰咸和十六年夏旱十七年秋冬旱是時烈宗仁恕信任會稽王道子亦舒緩之應

又曰隆安二年冬旱且寒甚四年夏五月秋旱時孫恩作亂桓玄疑貳內外騷動兵革方興

又曰太元二十年冬無雪亦猶春秋之無冰恒燠之罰也是時任會稽王道子縱酒宴樂不郵政事舒緩之應也

宋書曰孝武時頻年大旱人飢死者十有六七時帝造明堂又大興徒南巡校獵盛自矜大故旱災

梁書曰武帝時大旱米升五千文人多餓死時與魏交兵前後連年百姓勞弊

魏書曰靜帝天平年諸州大旱人多流散是歲齊武與魏戰於沙苑死者數千萬

又曰武定年冬春大旱西魏師入洛齊神武親帥軍大戰



於北邙死者數萬

隋書曰北齊文宣天保年夏大旱時大發卒築長城四百餘里乾明年春早先是發卒數千數築金鳳聖應崇光三臺窮極侈麗不恤百姓

又曰後主河清年夏大旱突厥二十萬衆毀長城寇恒州內外纂嚴

又曰隋煬帝時大旱人疫死死人如山明年楊玄感反于時群盜蜂起天下離叛之應又發卒百餘萬築長城百姓失業至八年天下旱百姓流亡時發四海兵親征高麗六軍凍餓死者十八九至十三年天下大旱時郡縣鄉邑悉築長城男女無少長皆就役管子曰春不收枯骨朽肉伐枯木而去之則夏旱至矣

晏子春秋曰齊大旱景公召羣臣問曰天不下雨久矣民

皆有飢色吾使人卜之祟在高山廣澤寡人欲賦歛以祠靈山可乎羣臣皆莫對者晏子進曰不可祠此無益也夫靈山固以石爲身以草木爲毛髮天不雨髮將焦石將熱彼獨不欲雨乎祠之何益公曰然吾欲祠河伯可乎晏子曰不可河伯以水爲國以魚鼈爲民天久旱不雨水泉將下百川將竭國亡民將滅矣彼獨不欲雨乎祠之何益景公曰今爲之柰何晏子曰君試避宮殿曝露與山河共憂其幸而雨景公即出曝露三日天果大雨

隨巢子曰幽厲之時天旱地坼

尸子曰湯之救旱也素車白馬布衣身嬰白茅以身爲牲

當此時也絃歌鼓舞者禁之

韓子曰晉平公使師曠奏清徵師曠曰清徵不如清角平公曰清角可得聞乎師曠曰君德薄不足以聽之將恐有



敗平公曰寡人老矣所好者音願遂聽之師曠不得已而  
鼓一奏之有雲從西北方起再奏之大風至大雨隨之裂  
帷幕破俎豆墮廊瓦坐者散走平公恐懼伏于室晉國大  
旱赤地三年公之身遂病焉  
師曠占曰歲欲旱旱草先生旱草者蒺藜也  
京房別對災異曰火旱何人君無施澤惠利於下人則旱  
不救蝗虫害穀又君亢陽暴虐興師動衆下人悲怨陽氣  
盛陰氣沉故旱萬物根死數有火災此金失其性若夏大  
旱則雩祀之以素車白馬布衣以身爲牲或云誅讒佞之  
臣於市則三日之雨降於天矣  
說苑曰湯之時大旱七年雒川竭煎沙爛石於是使人持  
三足鼎祀山川教之祝曰政不節耶使民疾耶苞苴行耶  
讒夫昌耶宮室營耶女謁盛耶何不雨之甚也

黃帝占書曰日中三足烏見者大旱赤地

寒

京房易傳曰有德遭險茲謂逆命厥異寒

洪範五行傳曰聽之不聰是謂不謀厥罰恒寒

史記曰秦始皇九年四月大寒人凍死時嫪毐及大臣二  
十餘人車裂以殉夷滅宗族遷四千餘家於房陵

晉中興書徵祥說曰太興四年冬大寒民凍死是時王敦  
肆亂天子弗能禁

魏書曰靜帝武平年二月大寒人畜凍死

疫

史記曰秦始皇三年蟲起東方蔽天而下年爲大疫  
漢書曰哀帝永初六年夏大疫疫者邪亂之氣所生延光  
四年冬京師大疫有絕門者人懼



又曰桓帝元康元年正月京都大疫二月九月廬江又疫  
 獻帝建安二十二年大疫至二十五年禪位於魏  
 晉書曰魏文帝黃初四年三月宛許大疫死者數萬  
 又曰明帝青龍二年四月大疫蜀相諸葛亮出斜谷卒于  
 渭南又青龍三年正月京師大疫  
 六韜曰人主好聚斂人則多疫死

太平御覽卷第八百七十九

太平御覽卷第八百八十八  
 咎徵部七

又曰地震

地裂

地陷

又曰地震

土踊

地生毛

京房易占曰地動陰有餘

左傳曰南宮極震南宮極王子莫弘謂劉文公曰君其勉  
 之先君之力可濟也先君謂劉獻公文公父也獻公亦欲  
 立子猛不欲令子朝得國今南宮極

震死為天所弃先君之功事可成也周之亡也其三川震今西王之大臣亦  
 震天弃之也西王謂子朝也子朝居  
 東王必大克東王居狄

史記曰周幽王二年三川震太史伯陽甫曰周將亡矣天  
 地之氣不過其序亂人之兆陽伏而不能出陰迫而不能



昇於是也震陽失而在陰川原必塞原塞必國亡昔伊維  
竭而夏亡河竭而商亡今周如二代之季其川原又塞塞  
必川竭山崩夫國必依山山川崩川竭國亡之徵也

漢書五行志曰魯文公九年地震劉向以為周襄王失道  
楚穆王商臣殺父成王諸侯皆不肖權傾於下臣下強盛  
將動為害京房曰臣事雖正專必震於水水則波於木木  
則播於屋則瓦落於山則出水湧嗣子無德臣專祿不順  
動丘陵水湧出

又曰魯襄公十六年地震其後崔氏專齊欒盈專晉良霄  
傾鄭闞殺吳子燕逐其君楚滅陳蔡

又曰魯昭公十九年城震劉向以為是時季氏將有逐君  
之變

又曰昭公三十三年地震劉向以為是時周景王崩劉子

單子立王子猛尹氏立王子朝季氏逐昭公黑肱叛邾吳  
殺其君僚宋五入夫晉二大夫皆以地叛

又曰哀公三年地震仲尼見奔而季氏強

又曰趙幽王五年代地大動自樂徐以西北至平陰臺屋  
墻垣大半壞地坼東西百三十步六年大飢秦滅之

漢書曰惠帝時地震隴西壓四百餘家時諸呂用事

又曰武帝時地震壓殺人明年皇后陳氏廢宣帝時地震

河南以東四十九北海琅邪壞祖宗廟城郭殺人千餘後

又京師地震至北邊郡國三十餘壞城郭殺四百餘人後

霍顯禹反誅清河王遷房陵皇后霍氏廢

又曰元帝建昭四年藍田地震沙石流擁灞水安陵岸崩

擁水水逆流時石顯用事

後漢書曰光武時地震裂至後年南郡蠻武陵蠻叛後詔



捕王侯賓客坐死者數千人陰氣盛之應也  
 又曰和帝時郡國十三地震時將軍竇憲謀逆伏誅後又  
 地裂及震其年北海王威有罪自殺  
 又曰安帝時郡國十六地震明年郡國十二地震京師人  
 相食帝冲幼鄧氏執政後又郡國九地震明年海賊張伯  
 路與平原劉文何周文光等攻戰厭次殺令長後三年郡  
 國十八地震淮南大飢明年鄧太后崩帝失政  
 又曰順帝時京師頻地震岸崩及地陷其年吳郡丞羊珍  
 反郡府後二年涼州地百八十震山谷坼裂是日徐楊賊  
 攻燒邑城殺掠民吏  
 又曰冲帝時京師地震三郡沙湧土裂時帝年二武母后  
 臨朝郡盜大起發掘憲陵攻燒城邑  
 又曰桓帝時京師地震荆揚人多飢死後又震憲陵寢屋

瓦官廟瓦落盡時梁冀專政

又曰靈帝時地震海水溢又震鴻都府門時閹豎專政  
 又曰初平二年并州牧董卓焚燒洛陽挾天子遷長安自  
 為太師號尚父京師地震卓問著作郎蔡邕邕對曰地動  
 陰盛大臣踰制又太史上言當有大臣戮死卓遣人言太  
 尉張溫與袁紹交通遂殺溫二年司徒王允僕射士孫瑞  
 及卓將呂布謀誅卓殺之  
 又曰獻帝時雍州地頻震三輔大旱粟一石五十萬人相  
 食  
 續漢書曰建康元年九月丙午京都地震時順帝崩太后  
 攝政為順帝作陵制度奢廣多瓌吏民塚槨尚書樂巴諫  
 太后怒癸卯詔收巴下獄欲殺之丙午地震太后乃出巴  
 免為庶人



漢獻帝春秋曰初平二年地震董卓問蔡邕邕曰天為陽  
 故轉運於上地為陰故安靜於下而震是失其性以陰而  
 陽也明公車不當青蓋宜改之以應變卓改為綠蓋曰  
 晉書曰魏明帝時京都地震隱隱有聲搖動屋瓦明年公  
 孫文懿叛自立魏高堂隆曰地震臣下強盛地故震動其  
 所以警悟人主不可不深思是災及少帝繼廢音禪晉  
 又曰齊王芳時頻年地震時曹爽專政遷太后於永壽宮  
 太后與帝相泣而別故頻震  
 又曰蜀劉禪時地震時黃皓專政闔官無陽施猶婦人也  
 此皓見任之應是年冬蜀亡  
 又曰吳孫權時頻年地震時呂一專政又權信讒廢太子  
 和步騭上書曰伏見按事吹毛求瑕欲陷人成其威福故  
 地連震

又曰晉武帝時頻年地震是時賈充楊駿遞弄朝權  
 又曰惠帝元康四年郡國地震淮南洪水出或山崩地陷  
 壞城府殺百餘人此賈后使楚王瑋殺汝南王亮及太僕  
 衛瓘陰道盛陽道衰微之應  
 又曰愍懷帝時頻年地震時司馬越專政石勒寇汲郡  
 又曰元帝大興元年頻地震或水湧山崩殺人時江南淮  
 北有大兵劉曜石勒僭位  
 又曰成帝時咸和四年頻年地震時蘇峻作亂  
 又曰穆帝永和九年十年頻地震或有聲如雷鷄雉皆鳴  
 時帝幼母后專政石季龍僭號王師頻敗  
 又曰十一年四月五月又頻地震是時姚襄人許昌百姓  
 愁苦之應哀帝及海西公簡文孝武時皆頻地震是時人  
 主幼弱群小弄權兵役連年海西見廢



又曰孝武太元年夏震含章殿四柱并侍者二人後年苻堅略襄陽  
又曰安帝義熙年頻地震或有聲如雷時太尉劉裕謀逆宋書曰孝武大明元年地震有聲自河北來魯郡山搖地動彭城女墻四百八十丈墜屋傾兗州地裂泉湧二年不已其後兗州刺史夏侯祖權卒齊書曰廢帝東昏侯時地震一年不止其年護軍崔惠景反兵圍城帝開門以拒之  
隋書曰梁武太清二年八月侯景舉兵反於豫州登壇歆盟地震及圍城死者太半

又曰太清三年建康地再震時侯景自爲大丞相崔鴻十六國春秋曰前趙劉聰建元元年三月平陽地震崇明觀陷爲池水赤氣至天有赤龍奮迅而去十一月地

二年八月平陽地震汾水大溢流漂數百家聰死子榮立爲劉曜所殺曜自立  
又曰前秦苻堅時秦雍二州地震裂泉湧長安大風震電壞屋殺人堅懼而愈修德政焉俄而苻雙等伐長安尋爲戰敗

又曰後秦姚泓時秦州地震三十二殷殷有聲山崩舍壞識者以爲秦州泓之故鄉將滅之徵後宋高祖人長安執於建康斬之

又曰姚興四年所在地震前後一百五十六公卿百司抗表請罪興曰災譴之來咎在元首近代或歸罪三公甚非也朕當考躬省己思宋景之義公等何憊宜悉冠履復位後魏書曰太祖道武天賜六年夏地震其年帝愛姬萬人與清河王紹通作亂帝被紹及萬人殺之



又曰宣武延昌元年沁州地震陷殺人甚眾又累年沁州秀容敷城鴈門山鳴地震不止其年幽州沙門劉僧紹反明年胡太后臨朝後天下大兵太后少帝為爾朱榮投於河

隋書曰北齊武成清河年并州地震是時和士開專恣之應

又曰隋文帝開皇二十年廢太子勇以晉王廣為皇太子將冊之夜烈風大雪地震山崩人舍多壞殺人太子卒與僕射楊素弑帝

呂氏春秋曰周文王寢病五日而地動東西南北不出國郊百吏皆請曰臣聞地之動為主也羣臣皆悲曰請移之興事動眾以增國城文王曰我必有罪故天示此以罰我今動眾以增國城是重吾罪不可無幾疾瘳也

地裂

尚書謠曰黃帝將亡則地裂

春秋考異郵曰臣恣盛地裂圻

戰國策曰齊閔王奔莒淖齒數之曰羸博之間地圻至泉地以告也而王不知戒何得無誅乃殺之

書紀年曰夏桀末年社圻裂其年為湯所放

後漢書曰安帝時緱氏地裂後郡國地圻或泉湧越僞夷殺長吏燒城邑

又曰南地圻長百八十二里廣五十六里又洛陽新城地裂又緱氏地陷裂京師地陷時帝幼冲宦者用事

又曰建康元年隴西漢陽張掖北地武威地百八十震山谷圻裂壞城

又曰冲帝初即位葬順帝是日鴈門京師太原三郡地震



沙湧土裂

又曰桓帝時河東地裂明年京師雲陽地震時閹豎用事  
皇后梁氏崩後八年緱氏頻年兵革又李膺等二百餘人  
受誣下獄又上黨地裂是時寇賊弥盛  
又曰靈帝時河東地裂十二處長十里是時閹豎用事政  
在私門

續漢書曰和帝永和七年趙國易陽地裂

京房易傳曰地坼裂者臣離相從也是時南單于衆乖離  
相從也漢軍追討

崔鴻十六國春秋曰西秦乞伏乾歸太初十九年苑川  
裂後四年乾歸為兄子公府所殺

抱朴子曰軍中地裂急徙居不則軍敗地震必大戰或有  
謀反

墨子曰三苗欲滅時地震泉湧

今古五行記曰夏桀末年翟山地陷一夕為大澤深九丈

其年為湯所放

晉書曰武帝太康八年宣帝廟地陷其年七月殿前地陷

方丈深數丈中有破甍是時帝不用和嶠之言而信賈充

之佞至十一年惠帝立王室大亂

又曰惠帝時五月城中地陷方三十丈殺人六月又地坼

家人陷死八月地裂廣三十六丈長八十四丈人大飢又  
上庸四處山崩地陷廣三十丈長百三十丈大水出殺人  
時賈后亂政又夜暴雨賈謐齋屋柱陷入地壓床帳明  
年謐誅天下兵亂帝室從此微矣  
又曰懷帝時洛陽地步廣里地陷出鵝三又當陽地裂廣



三丈長三百步時司馬越專政王室離敗死者計萬  
又曰安帝時山陰地陷方四尺有聲如雷後二年西明寺  
門穿湧水毀門大尉劉裕矯詔殺害朝士俄而禪宋  
隋書曰梁武帝普通二年始興郡石鼓村地自開成井方  
六尺深三十丈侯景篡梁昇御床床脚陷入地後景被殺  
崔鴻十六國春秋曰前涼張天錫三年四月延興地震陷  
水出○又曰前趙劉聰末年武庫地陷深一丈五尺時中  
常侍王沉中官僕射郭猗皆寵幸用事聰遊宴後宮或百  
日不出沈等奢僭貪殘賊害良善御史大夫陳元達諫聰  
不從元達自殺  
又曰前秦姚泓永和元年秦州地陷裂巖嶺崩墜人舍壞  
是年爲宋高祖所擒斬於建康市  
又曰前秦苻堅末年洛陽地陷堅後代晉敗焉

又曰安帝末年相玄篡晉昇太極殿殿無故陷旬月宋高  
祖殺之  
又曰北涼沮渠茂乾永和七年太廟階陷六月城門崩其  
年九月茂乾面縛降于魏  
又曰西涼李歆嘉興元年三月燉煌謙德門陷至四年歆  
爲沮渠蒙遜所敗  
又曰夏赫連勃勃鳳翔七年六月太廟基陷其年八月勃  
勃死  
隋書曰北齊後主末年穆后如晉陽向北宮辭胡太后所  
乘七寶車無故陷入地半沒四足是年齊滅后與帝俱入  
長安  
又曰隋煬帝大業十三年十二月洛州乾陽門內地陷周  
闕丈餘至十四年帝遇殺天下大亂



異苑曰晉武帝太康五年宣帝廟地歛陷梁無故自折凡宗廟所以承祖先嗣永世不刊安居摧陷是湮絕之祥也

地凶

漢書曰光武時岑彭伐蜀去成都數十里軍營北有地名曰彭亡彭聞之欲移會日暮是夜彭為公孫述刺客詐為逃奴刺殺之

魏志曰太祖圍呂布大司馬楊固救布為其將楊醜所殺楊將眭固又殺醜屯兵射大巫誠之曰將軍字白兔而臣名射大兔見必驚宜急移去固不從明日遂戰死  
晉書曰建業太社西宮地吳時右司馬丁奉宅吳後主孫皓殺之流徙其家晉元帝初為僕射周顛宅顛為王敦所害後為冠軍將軍蘇峻宅峻反被誅殺後為索悅宅為會稽王道子所親昵緣道子見殺又為章武王司馬秀宅秀

亦凶至宋孝武時為雍州刺史臧質宅質反見殺故代簡為凶地宋史部尚書王僧綽常謂宅無吉凶請以為第始造未居為元凶所害  
王隱晉書曰祖約為豫州刺史府中地忽赤如丹約竟敗見殺  
京山曰金天其地也

紀年曰梁惠成王七年地忽長十丈有餘高尺半周隱王二年齊地暴長長丈餘高一尺

漢書曰成帝河平四年臨淮縣土踊起高二丈時王莽專政曰水地暴長長丈餘高一尺  
崔鴻十六國春秋曰前涼張寔五年祁山地震從中陶原坂三里冒覆下川忽如見掩坂上草木存焉



晉書曰武帝太始中皇甫晏為益州刺史西討屯兵人咸死之地生白毛俄被牙門將所殺

又曰成帝時地生毛時天下大兵而中原擾亂百姓疲怨

又曰孝武時京都地生毛而氏賊圍繞襄陽彭城征戍連年不解又京都地生毛苻堅滅後人勞役後又江陵交戰

不解

又曰安帝義熙十年地生白毛連年征討勞擾之應

京房曰以為人勞之異金失其性地生毛

常璩華陽國志曰晉武帝太始八年蜀地生毛長七八寸

牛數里李勢欲亡地又生毛

崔鴻十六國春秋曰後秦姚興時乞伏乾歸鎮州地震生

毛而乾歸太初十九年七月為兒子公府所殺

又曰北燕馮跋太平十五年龍城地生白毛長一尺二寸

月餘乃滅後遼西太守高潛謀反伏誅

隋書曰梁武帝大同年地生白毛長二尺時築浮山堰功

垂就而潰百姓苦之

又曰陳後主末年地生白毛時功役不息卒為隋滅

又曰北齊武成清河年初滄州及長安地生毛時北築長

城內興三臺人苦役焉

唐書曰則天天授初淮南地生毛或白蒼長者尺餘或遍

居人床下揚州尤甚大如馬尾焚之如毛氣著作郎韓琬

寓于揚州親掇之其年稱制

金澤文庫

太平御覽卷第八百八十

地部

卷八百八十

地部







